



UNIVERSITÄTS-
BIBLIOTHEK
PADERBORN

**Q. Septimii Florentis Tertvlliani Carthaginiensis
Presbyteri, Opera Qvæ Hactenvs Reperiri Potvervnt
Omnia**

Tertullianus, Quintus Septimius Florens

Coloniæ Agrippinæ, Anno M. DC. XVII.

Ex Libro Singvlari De Castrensi Pecvlio

[urn:nbn:de:hbz:466:1-71872](https://nbn-resolving.org/urn:nbn:de:hbz:466:1-71872)

EX LIBRO SINGVLARI DE CASTRENSI PECVLIO

D.L. 29. T. 1. De Testam. mil. l. 23.



Dem, etſi paterfamilias miles de Caſtreſibus rebus dumtaxat teſtatus adrogandum ſe dederit; Si vero miſſus iam hoc fecerit, non valet teſtamentum.

Ibidem leg. 33.

Si filiusfamilias miles feciſſet teſtamentum more militiæ, deinde poſt mortem patris poſtumus ei naſceretur, vtique rumpitur eius teſtamentum. Verum ſi perfeueraſſet in ea voluntate, vt vellet adhuc illud teſtamentum valere, valiturum illud, quaſi ruruſum aliud factum, ſi modo militaret adhuc eo tempore quo naſceretur illi poſtumus. Sed ſi filiusfamilias miles feciſſet teſtamentum, deinde poſtea viuo eo, & adhuc auo quoque ſuperſtite, naſceretur ei poſtumus, non rumpitur eius teſtamentum, quia cum id quod naſceretur, in poteſtatem eius non perueniret, non videtur ſuius hæres adnaſci ac ne auo quidem ſuo hunc nepotem poſtutum, cum viuo filio naſceretur, ſuum hæredem protinus adnaſci. Et ideo nec aui teſtamentum rumpi, quoniam licet in poteſtate aui protinus eſſe inciperet, tamen antecederet eum filius. Secundum quæ ſi filiusfamilias miles teſtamentum fecerit, & omiſerit poſtutum per errorem, quem non volebat ad hæredatum, deinde poſtumus poſt mortem aui viuo adhuc filio, id eſt, patre ſuo natus fuerit, omnimodo rumpet illius teſtamentum. Sed ſi quidem pagano iam illo facto natus ſit, nec conualeſcet ruptum. Si vero militans adhuc natus fuerit, rumpetur. Deinde ſi voluerit ratum illud eſſe pater, conualeſcet ſic, quaſi denuo factum. Sed & ſi viuo auo naſcatur poſtumus, hic non rumpet continuo patris teſtamentum. Si ſuperuixerit poſt mortem aui viuo adhuc patre, rumpet, quod nouus illi nunc primum hæres adnaſcitur. Ita tamen, vt numquam poſſit duorum ſimul teſtamenta rumpere, & aui, & patris.

D.L. 49. Tit. 17. De caſtr. pecul. l. 4.

Miles præcipua habere debet, quæ tulit ſecum in caſtra concedente patre. Actionem, perfectionemque caſtrenſium rerum ſemper filius etiam inuito patre habet. Si paterfamilias militiæ, vel poſt miſſionem adrogandum ſe præbuerit, videndum erit, ne huic quoque permiſſa intellegatur earum rerum adminiſtratio, quas ante adrogationem in caſtris adquiſerit, quamuis conſtitutiones principales de his loquantur, qui ab initio quum eſſent filijfamilias, militauerint, quod admittendum eſt.



TERTULLIANI
OPERA